

現代十大家詩鈔

第四冊

梁任公詩鈔

上海進步書局印行

梁任公詩鈔

澳亞歸舟贈小畔四郎

海行三十日。端居了無事。賴有素心人。晨夕相晤語。借經叩法門。觀海契圓理。本覺何湛然。大地一止水。緣以境界風。遂有波濤起。風亦不暫息。波亦何時已。勞勞器世間。衆生蓋云苦。吾儕乘願來。學道貴達旨。自度與度他。斯事一非二。投身救五濁。且勿憚生死。迴心何佛院。明鏡淨無滓。與君證此偈。知君定歡喜。今日入蓬海。風日逾清美。如送復如迎。山川識游子。游子歸不歸。彼岸咫尺是。

留別梁任南漢擲路廬

吾宗有俊傑。名義何淵醴。遠慕聖之任。近思吾道南。秋氣滿中原。衆醉方沈酣。志士在江海。鬱鬱多苦心。我昔乘槎來。求友嘒其音。與君一夕話。把臂遂入林。筆路闊蒿萊。事事同苦甘。豈直意氣交。每為道義談。天下正多事。人才苦銷沈。萬里得一士。此行庶不慚。慨然望澄清。與君騁兩駟。冤霜六月零。憤泉萬壑哀。蓼莪不可誦。游子肝腸摧。魑魅白晝行。嚙人如草萊。勞勞生我恩。慘慘入泉臺。悠悠者蒼天。哀哀者誰子。人孰無天性。人孰無毛裏。孰無淚與血。孰無肺與腑。海枯山可移。此恨安可補。沈沈得沈沈。怨毒乃如此。

瀝血一杯酒。與君兄弟交。君母即我母。君仇即我仇。況我實君累。君更不我尤。我若不報君。狗彘之不猶。勸君且勿哭。今哭何所求。磨刀復磨刀。去去不暫留。上有天與日。鑒我即我謀。我儕為公

義亦復為私讎。脚蹴舊山河。手提賊人頭。與君拜墓下。一傷為君酬。萬一事不成。國殤亦為優。雲霄六君子。來軫方且適。誰能久鬱鬱。長為儒冠羞。

半歲館君家。今夕行別離。居亦不言謝。行亦不言辭。君我既一體。安用區區為。但恐江湖上。風波不可期。未知再相見。何地復何時。與君盡一杯。為君進一詞。事苟心所安。死生吾以之。人事無盡涯。天道有推移。努力造世界。此責舍我誰。來日舒且長。大地坦且夷。與君一揮手。毋為兒女悲。

甲寅冬假館著書於西郊之清華學校成歐洲戰役史論賦示校員及諸生

在昔吾居夷。希與塵客接。箱根山一月。歸裝囊盈篋。

吾居東所著述多在箱根山中

雖匪周世用。乃實與心愜。如

何歸乎來。兩載投牢策。愧俸每顛泚。畏譏動魂懾。尤材憚享犧。遐想醒夢蝶。推理悟今吾。乘願理夙業。郊園美風物。昔游記道押。願言賃一廬。庶以客孤筴。其時天降凶。大地血正喋。蘊怒風爭鄭。導衅忽刺歟。解紛使者標。合從載書歆。賈勇羞目逃。鬪智履踵躡。遂令六七雄。傴舞等中魔。瀾倒竟疇障。天墜真已壓。狂勢所簸薄。震我卧榻軀。未能一丸封。坐遭兩黥挾。吾哀復何論。天慘因接摺。猛志落江湖。能事寄簡牒。試憑三寸管。貌彼五雲疊。庀材初類匠。詞勢乃如謀。過往既纒纒。衡今逾喋喋。有時下武斷。快若髭赴鑪。哀我久宋聳。持此餉葛藟。藏山望豈敢。學海願亦輒。月出天宇寒。攜影響廊廡。苦心碎池凌。老淚潤階葉。咄哉此局碁。圻角驚急劫。錯節方余畀。畏途與誰涉。辛辛年少子。濟川汝其楫。相期共艱危。活國厝安帖。當為鵬鷺墨。莫作好龍葉。夢空復憐蛟。目苦不見睫。來者儻暴棄。耗矣始愁喋。急景摧跳丸。我來亦自決。行袖東海石。還指西門喋。慚非徒薪客。

徒效恤緯妾。晏歲付勞歌。口喏不能嚙。

壯別二十六首

首塗前五日。柏原東畝餞之於箱根之環翠樓。酒次出練紙索書。為書壯哉此別四字。且係以小詩一首。即此篇第一章是也。舟中十日。了無一事。忽發異興。累累成數十章。因最錄其同體者。題曰壯別。得若干首。

大夫有壯別。不作兒女顏。風塵孤劍在。湖海一身單。天下正多事。年華殊未闌。高樓一揮手。來去我何難。

大夫有壯別。無如遠從軍。手激天河水。清夷五濁塵。蟄靈待雷雨。身世入風雲。今我胡為者。蟲魚注古文。

大夫有壯別。仗劍行復仇。一卮酌易水。如聞風蕭蕭。令我其蹉跎。墓草宿已凋。中夜栗然起。胥江號怒潮。

大夫有壯別。無如汗漫游。天驕長政國。日本昔有山田長政者。流寓暹羅。後竟執其政。蠻長閣龍洲。哥命布日本人。譯之為閣龍。文物

供新眼。共和感遠猷。橫行天地闊。且莫賦登樓。

相送復相送。羣賢返自崖。驪歌猶上下。鴻爪已東西。波路空逾濶。樓臺望轉迷。齊州煙九點。回首

渺予懷。別送別者一首。兩邦志士送之於東京車站。及橫濱海岸者百餘人。送之於舟中者十餘人。

莫道無家別。并州是故鄉。思潮三派壯。日本明治間新思潮有三派。一英國之功利主義。二法國之共和主義。三德國之國家主義。民氣百年

強國士皆知我江山似舊行去齊濡滯意惶恐謝君王

別日本東京一首

東海數健者何人似乃公劫餘小天地淘盡幾英雄聞鼓思飛將看雲感卧龍行行一膜拜熱淚

灑秋風

別西鄉隆盛銅像一首。像在上野公園吾於行之前一日獨詣其下頂禮而去

福地不易得逝水何時休偷度百忙裏來為竟日游雲霓遲下界風雨別高樓芳草雖云好王孫

未敢留

別環翠樓一首。樓在箱根塔之澤風景佳絕去年曾侍南海先生一游此

罪屈家為累恩深報苦遲十年慚虎變兩月補烏私為慄懸孤訓更勞陟岵思牽衣日追從最憶

是兒時

呈別家大人一首。余十年以來浪游中原侍養久缺去年之變累及家屬蹤跡澳門今年九月家大人東來撫視余居兩月復拜別

狂簡今猶昔裁成意若何轍環人事瘁棒喝佛恩多翼翼酬衣帶冥冥慎網羅圖南近消息為我

託微波

寄別南海先生一首。先生東還時在橫濱為半日談今在香港且將有南洋之行

第一快心事

東來識此雄學空秦火後伯有自述昔日譚一功就楚歌中伯一生立於逆境作事者遇反對每挫敗而氣

轉壯平底於成余最服之

大陸成爭鹿滄瀛蟄老龍牛刀勿小試留我借東風

伯一首

汨汨口懸河棱棱目如電重圍獨往來六合任舒卷血淚熱在腔肝膽滌相見咄哉此為誰殺也

字子遠

別犬養木堂二首

羣公皆好我愛我莫如君責善情彌苦參謀道益親何心戀蠻觸努力造風雲無限分攜感英雄

髀肉新

米堂語余云日本今無事可做惟將投身於亞洲大陸耳

我昔露山會與君為弟兄千劫不相遇一見若為情許國同憂樂論交託死生如何別容易無語

只惺惺

別柏原東畝一首余與東畝為兄弟之交

赫赫皇華記。淒淒去國吟。出匡恩未報。贈編愛何深。重話艱難業。商量得失林。隻身浮海志。使我

憶松陰

別伊藤侯一首。余去年出險之役。及今次遠遊之費。皆感侯之賜。侯臨別。懇懇有所語。且舉吉田松陰臨海事。及已前者游學時艱辛之狀。以相告。

文明發商界。歐米昔其鄉。徐福三千壯。橫濱中國人居留人數不及三千。田橫五百強。自由成具體。以太感重洋。努

力宗邦事。蓬萊日月長。

別橫濱諸同志一首

廣厦需材衆。羣賢集此堂。精心探大理。分業務專長。團體相親下。機緣事擴張。莫辭文字累。綿絕

費思量

別東京留學諸友及門人三首

孕育今世紀。論功誰蕭何。華拿華威拿破總餘子。盧孟盧孟斯實先河。赤手鑄新腦。雷音殄古魔。

吾儕下努力。負此國民多。

我性有奇癖。貪癡似蠹魚。恨為衆生累。不讀十年書。浮海知何補。藏山願已虛。勸君好愛惜。難得

是居諸。

患難相從我。恩情骨肉親。變名憐瑪志。瑪志尼者意大利三傑之一。二十年前流亡於外。屢變其名。亡郎想藤寅。吉田松陰又名藤寅。早年因與

同志結游漫逃。亡郎被刺。藉婉我之恒德。半途又離羣。丈夫各獨立。毋為吾苦辛。再示諸門人一首。諸子相

其名於余之行也。咸有戀戀不舍之色。以此慰之。

一身常自主。四海等無家。合併聊相慰。分携亦自佳。圍爐談意氣。對鏡數年華。匹馬忽飛去。黃塵

帽影斜

別內一首。內子隨侍家大人來省視相。居月餘復別去。

公當從此逝。我亦恥懷居。勞燕分寥廓。魚龍待簡書。發機當起陸。養晦且懸車。珍重再相見。頭顱

百戰餘。

別同別者二首

機會滿天下。責任在羣公。塗炭甯無極。精神自可通。推心下豪傑。捷足馭梟雄。某甲雖無似。贏糧

或許從。

亦有英雄淚。不向離別揮。蒼黎哀水火。社稷慘戎衣。恩怨何時報。康同與願違。勞勞精衛志。填臆

涕如縻。

極目覽八荒。淋漓幾戰場。虎皮蒙鬼域。龍血混玄黃。世紀開新幕。

此詩成於西曆一千八百九十

世紀僅三日矣風潮集遠洋。

泰西人呼太平洋為遠洋作者今日所居之舟來日所在之洋即二十世紀第一大戰場也

欲閑閑未得橫槩數興亡

詩思惟憂國。鄉心不到家。山河水漂絮。身世浪淘沙。浩蕩天風遠。侵馳白日斜。驚心自鞭影。何處

不天涯。

癸丑三日邀羣賢脩楔萬生園拈蘭亭序分韻得激字

時運代謝不可留。有生足以欣所適。永和以還幾癸丑。萬古相望此春色。大好江山供拒攘。尚有

林園葆真寂。西山照眼無限青。嫩柳拂頭可憐碧。羣賢各有出塵想。好我翩然履綦集。清談互窮

郭向窵。吟筆紛摩鮑謝壁。畧無拘檢出襟抱。相與觴詠彈晡夕。自我去國為僇人。屢辜佳晨墮絕

域。哀時每續梁五噫。忤俗空傳傅七激。秋蟲聲繁亦自厭。春明夢碎何當覓。竭來京國儼在眼。起

視山川翻沾臆。政恐桑田會成海。豈直長安嗟如奕。即茲名園問銀榜。已付酸淚話銅狄。江湖風

波況未已。龍蛇玄黃。知何極。因想蘭亭高會時。正北典午陽九厄。雅廢夷侵。難手援。井渫王明。祇心惻。餘子猜意爭腐鼠。逢士逃虛。謝轍勒。祇今繭紙世共寶。當年苦心解誰索。吾黨夙昔天所囚。今日不樂景既迫。激激酒光漸。沈沈的的花枝更照席。虎頭尺縑能駐顏。姜穎生先生繪圖紀勝賀老四絃解勸客。唐生瑤華二十年前以琵琶名樂部今日招與會侵馳認放日月邁。蹉跎應為芳菲惜。他年誰更感斯文。趣舍恐殊今視昔。

愛國民四章

泱泱哉我中華。最大洲中最大國。廿二行省為一家。物產腴沃甲大地。天府雄國言非誇。君不見英日區區三島尚崛起。況乃堂堂吾中華。結我團體。振我精神。二十世紀新世界。雄飛宇內。疇與倫。可愛哉我國民。可愛哉我國民。

芸芸哉我種族。黃帝之胄。盡神明。浸昌浸熾。徧大陸。縱橫萬里。皆兄弟。一脈同胞。古相屬。君不見地球萬國。戶口誰最多。四百兆眾。吾種族。結我團體。振我精神。二十世紀新世界。雄飛宇內。疇與倫。可愛哉吾國民。可愛哉我國民。

彬彬哉我文明。五千餘歲。歷史古。光燄相續。何繩繩。聖作賢述。代代繼起。浸濯沈黑。揚光晶。君不見竭來歐北。天驕驟進化。甯容久局。吾文明。結我團體。振我精神。二十世紀新世界。雄飛宇內。疇與倫。可愛哉我國民。可愛哉我國民。

轟轟哉我英雄。漢唐鑿孔。西域歐亞。搏陸地。天通。每談黃禍。誓且慄。百年噩夢。駭西戎。君不見

博望定遠芳蹤已千古。時哉後起吾英雄。結我團體。振我精神。二十世紀新世界。雄飛宇內。疇與
倫可愛哉。我國民可愛哉。我國民。

雷庵行贈湖村小隱

東台幽絕處。有廬曰雷庵。還庵之左右。有櫻有楓。有茶有檉。有松有杉。庵內何所有。但見琳琅古
籍。闌架而溢。籤有劍。爍爍有琴。惜惜雷聲隱隱走籬角。雲色冉冉起林尖。主人者誰。魄嚴魂舒。貌
癯道腴。朝讀書。夕著書。文章一出驚海內。立言於慎。恒躊躇。東方風雲日漸惡。棲棲秋氣滿林壑。
先生匣劍時一鳴。龍嘯天空秋水薄。我識先生風雪夜。色我訪雷庵。暮春三月。京華十丈軟紅塵。
繁櫻團錦。穠於雲。香車寶馬。照九陌。家家花下扶醉人。雷庵深深。芳春寂寂。主人者誰。抱膝注易。
吁嗟乎。雷庵雷庵。日亦已暮。春亦已深。時會一去。何時可尋。吾願爾為我。一聲轟轟振天地。叱咤
淋漓走魑魅。黨破羣孽起沈睡。蟄龍起蟄。萬靈從。神州十載風雲氣。十載以後。吾與先生。雷庵攜
手。應憶今年花開時。滿城雲錦照春酒。

贈別鄭秋蕃兼謝惠畫（辛丑三月澳洲作）

魯屏漆室泣。周蠹聲緯悲。謀國自有肉食輩。干卿甚事胡乃長歎而累欷。覆巢之下無完卵。智者
怵惕愚者嬉。天下興亡各有責。今我不任誰貸之。吾友榮陽鄭。志節卓犖神欽崎。熱心直欲爐天
地。視溺已溺飢已飢。少年學書更學劍。顧盼中原生雄姿。此才不學萬人敵。大隱於市良自嗤。一
槎渡海將廿載。縱橫商戰何淋漓。眼底駢羅世界政俗之同異。腦中孕含廿紀思想之瑰奇。青山

一髮望故國。每一念至魂弗怡。不信如此江山竟斷送。四百兆中無一是男兒。去年堯臺頌衣帶。

血淚下。感人肝脾。義會不脛走天下。日所出入咸聞知。君時奮臂南天隅。毀家紓難今其時。悲歌

不盡銅駝淚。魂夢從依敬業旗。誓拯同胞苦海苦。誓答至尊慈母慈。不願金高北斗壽。東海但願

得見黃人捧日崛起大地。而與彼族齊騁馳。我渡赤道南。識君在雪梨。貌交淡於水。魂交濃如飴。

風雲滿地我行矣。壯別甯作兒女悲。知君有絕技。餘事猶稱老畫師。君畫家法兼中外。蹊徑未許

前賢窺。我昔倡議詩界當革命。狂論頗領作者頤。吾古有神筆有鬼道。遠莫致徒自嗤。君今革命

先畫界。術無與並功不訾。我聞西方學藝盛。希臘實以繪事為本支。爾來蔚起成大國。方家如鯽

來施施。君持何術得有此方駕。士蔑凌頗離。英人阿利華士蔑 Oliver Smith 近世最著名畫師也

一縑脫稿列梳會。君嘗以所畫寄陳博覽會評賞列第一云博覽會萬歐巴人也噴噴驚且哈。乃

信支那人士智力不讓白晝種。一事如此他可知。我不識畫卻嗜畫。悉索無饜良貪癡。五日一水

十日石。君之惠我無乃私。稜稜神鷹兮。歷歷港嶼。君所贈余畫一為飛鷹博鵝圖一為雪港歸舟

家喜畫之而繚以科葛米訥兮。藉以蘆絲。西人有一種花名曰科葛米納 Forget me not 意言佳本頗難佳本頗難繚以科葛米訥兮。藉以蘆絲。勿忘我也吾譯之為長丹相忘花蘆絲 Rose 即玫瑰

花君所贈畫雅絕畫中之理吾不解。畫外之意吾領之。君不見鷺鳥一擊大地肅。復見天日掃雲

翳。山河錦繡永無極。爛花繁錦明如斯。又不見今日長風送我歸。欲別不別還依依。桃花潭水兮。

情深千尺。長母相忘兮。攀此繁枝。君遺我兮君畫。我報君兮我詩。畫體維新詩半舊。五雀六燕慚

轉滋。媵君一語君聽取。人生離別尋常耳。桑田滄海有時移。男兒肝膽長如此。國民責任在少年。

君其勉旃吾行矣。

二十世紀太平洋歌

亞洲大陸有一士。自名任公。其姓梁。盡瘁國事。不得志。斷髮胡服。走扶桑。扶桑之居。讀書尚友。既一載。耳目神氣。頗發皇。少年懸弧四方志。未敢久戀蓬萊鄉。誓將適彼世界共和政體之祖國。問政求學。觀其光。乃於西歷一千八百九十九年臘月晦日之夜半。扁舟橫渡太平洋。其時人靜月黑夜悄悄。怒波破打寒星芒。海底蛟龍睡初起。欲噓未噓。欲舞未舞。深潛藏。其時彼士兀然坐。澄心攝慮。游宵茫。正住華嚴法界第三觀。帝網深處。無數鏡影。涵其旁。驚然忽想。今夕何夕。地何地。乃是新舊二世紀之界線。東西兩半球之中央。不自我先不我後。置身世界第一關鍵之津梁。胸中萬千塊壘。突兀起。斗酒傾盡。盪氣迴中腸。獨飲獨語。苦無賴。曼聲浩歌。歌我二十世紀太平洋。巨靈擘地。鏡鴻荒。飛鼉碎影。神螺僵。上有搏土頑蒼蒼。下有積水橫決決。搏土為六積水五。位置落錯如參商。爾來千劫千紀。又千歲。保蟲緣蟲。為其鄉。此蟲他蟲。相閱天演界中復幾劫。優勝劣敗。吾莫強。主宰造物物役物。莊嚴地土無盡藏。初為據亂次小康。四土先達。爰濫觴。支那印度邈以隔。埃及安息。亞侯官嚴氏考定小亞細亞國印度埃及小亞細亞是也鄰相望。地球上古文明祖國。有四中。厥名河。流文明時代第一紀。始脫行國成建邦。衣食行行。鄭白沃。貿遷僕僕。浮茶梁。恒河鬱壯。瓊伽長。揚子水碧。黃河。黃尼羅。埃及河名一歲一泛。溉姚臺。姚弗里士河台格名蜿蜒雙龍翔。水哉水哉。厥利乃爾溥。浸濯暗黑揚晶光。此後四千數百歲。羣族內力逾擴張。乘風每駕一葦渡。搏浪乃持三歲糧。漢書西域傳言

波西海不得風或三歲就中北辰星拱地中海。葱蔥鬱鬱騰光鉉。岸環大小都會數百計。積氣森

森盤中央。自餘各土亦爾爾。海若凱奏河伯降。波羅的與亞刺伯。二海西域兩極遙相望。亞東黃

渤謂黃海壯以闊。亞西尾閭身毒洋。謂印度洋斯名內海文明時代第二紀。五洲寥邈殊未央。『蟄雷

一聲百靈忙。翼輪降空神鳥翔。哥倫布初到美洲土人以為咄哉世界之外復有新世界。造化乃

爾神祕藏。閣龍日本譯哥倫布以此二字歸去舉國狂。帝者挾懺民羸糧。談瀛海客多於鯽。莽土倏變華嚴場。

竭來大洋文明時代始萌蘖。巨五世紀堂哉皇。其時西洋謂大洋權力漸奪西海。謂地中海兩岸

新市星羅碁布氣。蹀長虹長。世界風潮至此忽大變。天地異色神鬼瞠。輪船鐵路電綫瞬千里。縮

地疑有鴻祕方。四大自由謂思想自由言論自由行為自由出版自由塞宙合。奴性銷為日月光。懸崖轉石欲止不得

止。愈競愈劇愈接愈厲。卒使五洲同一堂。流血我敬汲蝨曲。覓得檀香山澳大利亞洲者從為檀島土民所殺衝鋒我愛

麥寨郎。以千五百十九年始繞地球一周者鼎鼎數子隻手挈大地。雷光一掣劍氣磅礴太平洋。『太平洋。太平洋。

大風泱泱。大潮滂滂。張肺歛地地出沒。噴沫衝天天低昂。氣吞歐墨者八九。况乃區區列國誰界

疆。異哉似此大物隱匿萬千載。禹經亥步無能詳。母乃吾曹軀殼太小君太大。棄我不屑齊較量。

君兮今落我族手。游刃當盡君所長。吁嗟乎。今日民族帝國主義正跋扈。狙肉者弱食者強。英獅

俄驚東西帝。兩虎不鬪羣獸殃。後起人種日耳曼。國有餘口無餘糧。欲求尾閭今未得。拚命大索

殊皇皇。亦有門羅主義北美合眾國。潛龍起蟄神采揚。西縣古已東菲島。中有夏威夷八點煙微茫。

太平洋變裏湖水。遂取武庫廉奚傷。鼉爾日本亦出定。座容卿否費商量。我尋風潮所自起。有主

之者吾弗詳。物競天擇勢必至。不優則劣。今不興則亡。水銀鑽地孔乃。人物不自腐蟲焉藏。爾來環球九萬里。上一砂一草皆有主。旗鼓相匹強權強。惟餘東亞老大帝國一塊肉。可取不取。毋乃殃。五更肅肅天雨霜。鼙聲如雷卧榻傍。詩靈罷歌鬼罷哭。問天不語徒蒼蒼。噫噫吁。太平洋太平洋。君之面兮錦繡壤。君之背兮修羅場。海電兮既沒。艦隊兮愈張。西伯利亞兮。鐵路卒業。巴拿馬峽兮。運河通航。爾時太平洋中二十世紀之天地。悲劇喜劇壯劇慘劇。齊駘駘。吾曹生此豈非福。飽看世界一度兩度為滄桑。滄桑兮滄桑。轉綠兮迴黃。我有同胞兮。四萬五十萬。豈其束手兮待僵。招國魂兮何方。大風泱泱兮。大潮滂滂。吾聞海國民族思想高尚以活潑。吾欲我同胞兮。御風以翔。吾欲我同胞兮。破浪以颺。海雲極目何茫茫。濤聲徹耳逾激昂。鼉腥龍血玄以黃。天黑水黑。長夜長。滿船沈睡我傍徨。濁酒一斗神飛揚。漁陽三疊魂懾傷。欲語不語懷故鄉。緯度東指天盡處。一線微紅出扶桑。酒罷詩罷。但見寥天一鳥鳴朝陽。

雙濤園讀書

秋風忽已佳。我書亦可讀。欣然展青緗。古色媚幽獨。山空蟬自語。雨過松如沐。一往懷古情。懽懽不可掬。執卷就螢照。相將入深竹。

時俗幸相棄。得與古人親。委懷千載上。緬焉發清新。冥思雜微吟。所向如有神。道喪亦已久。吾衰難重陳。忽若有所會。遙遙望白雲。

中夜兀然坐。游想入深窈。條跼萬千轉。理之不得兆。開篇覩片言。神明若來詔。我心實所獲。莫逆

唯一笑悠悠千百年。此樂無人曉。

我生大不幸。弱冠竊時名。諸學涉其樊。至竟無一成。說食安得飽。酌蠡實窮溟。乃知求己學。千聖夙所程。驚顧忽中歲。永夜起屏營。

有友湯夫子。好學乃過我。華聲漸刊落。抱一志已果。析理窮漸茫。陳義輒印可。昨夜攜酒來。松梢一月墮。不知霜露深。藉草三更坐。

回風吹海水。軒然起層瀾。吾生良有涯。憂患亦以繁。生才為世用。豈得長自閑。何時覩澄清。一洒民生艱。強學可終身。羈泊非所歎。

廣詩中八賢歌

詩界革命誰歟豪。因明鉅子天所驕。驅役教典庖丁刃。何況歐學皮與毛。

諸暨蔣智由觀雲。君遜於佛學尤好慈恩宗。

因自號東甌布衣識絕倫。梨洲以後一天民。我非狂生生自云。詩成獨泣問麒麟。平陽宋枚叔理

文涵九流五言直逼漢魏道。蹈海歸來天地秋。西狩吾道其悠悠。餘杭章炳麟太炎義甯公子壯且醇。每

翻陳語逾清新。嚙墨嚙淚常苦辛。竟作神州袖手人。義甯陳三立伯嚴。君昔贈余詩有憑欄一片風雲氣來作神州袖手人之句。哲學

初祖天演嚴。遠販歐鉛撓亞繫。合與莎米謂莎士比亞及米兒頓為鯨鯢。奪我曹席太不廉。嚴復侯官

幾放言玩世曾飯庵。造物無計逃鑄錢。曼歌花叢酒正醺。說經何時詩道南。潮鄉曾廣鈞重伯。齊

詩圖跋語云任公好余所治詩圖予之詩道南矣。其狂率類此。絕世少年丁令威。選字穠俊文深微。佯狂海上胡不歸。故山猿

鶴故飛飛。豐順丁惠康叔雅君遂之節如其才。呼天不謗歸去來。海枯石爛詩魂哀。吁嗟吾國其無雷。淮南

吳保初彥復。君抗疏憂國事不得達棄官歸。且東餓厚祿故人書招之不出山也。

讀陸放翁集

詩界千年靡靡風。兵魂銷盡國魂空。集中什九從軍樂。亘古男兒一放翁。中國詩家無不言從軍苦者惟放翁則慕為國

錫至老不衰

辜負胸中十萬兵。百無聊賴以詩鳴。誰憐愛國千行淚。說到胡塵意不平。放翁集中胡塵等字凡數十見蓋南渡之音也

歎老嗟卑却未曾。用放翁原句轉因貧病氣崢嶸。英雄學道當如此。笑爾儒冠怨杜陵。放翁集中只有誇老頌卑未嘗

一歎嗟識不愧其言也

朝朝起作桐江釣。昔昔夢隨遼海塵。恨煞南朝道學盛。縛將奇士作詩人。宋南渡後愛國之士欲以功名心提倡一世者

亦不少如陳龍川葉水心等亦其人也然道學盛行掩襲天下士皆奄奄無生氣矣一二人豈足以振之

紀事二十四首

人天去住兩無期。啼駛年芳每自疑。多少壯懷償未了。又添遺憾到蛾眉。

頗媿年來負盛名。天涯到處有逢迎。識荆說項尋常事。第一相知總讓卿。

目如流電口如河。睥睨時流振法螺。不論才華論胆略。鬚眉隊裏已無多。

青衫紅粉講筵新。言語科中第一人。座繞萬花聽說法。胡兒錯認是鄉親。

眼中直欲無男子。意氣居然我丈夫。二萬萬人齊下拜。女權先到火奴奴。

眼中既已無男子。獨有青睞到小生。如此深恩安可負。當筵我幾欲卿卿。

卿尚粗解中行頡。我慚不識左右肱。奇情豔福天難妬。紅袖添香對譯書。
惺惺含意惜惺惺。豈必圓時始有情。最是多歡復多惱。初相見即話來生。
甘隸西征領右軍。幾憑青鳥致殷勤。舌人不惜為毛遂。半為宗邦半為君。
我非太上忘情者。天賜奇緣忍能謝。思量無福消此緣。片言乞與君憐借。
後顧茫茫虎穴身。忍將多難累紅裙。君看十萬頭顱價。遍地鉏麇欲噬人。
匈奴未滅敢言家。百里行猶九十賒。怕有旁人說長短。風雲氣盡愛春華。
一夫一妻世界會。我與瀏陽實創之。尊重公權割私愛。須將身作後人師。
含情慷慨謝嬋娟。江上芙蓉各自憐。別有法門彌闕陷。杜陵兄妹亦因緣。
憐余結習銷難盡。絮影禪心不自由。昨夜夢中禮天女。散花來去著心頭。
卻服權奇女丈夫。道心潭粹與人殊。波瀾起落無痕迹。似此奇情古所無。
華服盈盈拜阿兄。相從譚道復談兵。尊前恐累風雲氣。更譜軍歌作尾聲。
萬一維新事可望。相將攜手還故鄉。欲懸一席酬知己。領袖中原女學堂。
昨夜閨中遠寄詩。殷勤勸進問佳期。綠章為報通明使。那有閑情似舊時。
珍重千金不字身。完全自主到釵裙。他年世界女權史。應識支那大有人。
匆匆羽檄引歸船。臨別更慳一握緣。今生知否能重見。一撫遺塵一惘然。
曩譯佳人奇遇成。每生游想涉空冥。從今不羨柴東海。枉被多情惹薄情。